



Broj: 02-04-1323/25
Trnovo, 09.06.2025. godine

Na osnovu člana 69. stav (3) Zakona o javnim nabavkama („Službeni glasnik BiH“, broj 39/14, 59/22 i 50/24), a na Prijedlog Komisije za provođenje postupka javnih nabavki broj: 02-04-1323-1/25 od 05.06.2025. godine, u postupku javne nabavke – Rušenje objekata po inspekcijskom nadzoru, Općinski načelnik donosi:

ODLUKU o poništenju postupka javne nabavke

Član 1.

Poništava se postupak javne nabavke usluga: Rušenje objekata po inspekcijskom nadzoru, zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke, shodno članu 69. stav (3) Zakona o javnim nabavkama.

Član 2.

Ova odluka objavit će se na web-stranici www.trnovo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-04-1323/25 od 24.04.2025. godine, nakon izvršene prethodne provjere tržišta.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 17.094,00 KM.

Tenderska dokumentacija objavljena na portalu Portalu javnih nabavki dana 28.04.2025. godine.

Obavještenje o nabavci objavljeno je u Službenom glasniku BiH.

Komisija je dostavila dana 22.05.2025. godine izvještaj o radu broj: 02-04-1323/25 od 21.05.2025. godine sa prijedlogom za donošenje odluke o izboru najpovoljnijeg ponuđača u postupku javne nabavke radova – Rušenje objekata po inspekcijskom nadzoru.

U postupku po izvještaju o radu je utvrđeno da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: 1,
- da je blagovremeno zaprimljena 1 ponuda,
- da je neblagovremeno zaprimljeno 0 ponuda,
- da je ponuda ponuđača **Drvoprox d.o.o.** prihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz tenderske dokumentacije.

E aukcija nije zakazivana shodno članu 4. stav (2) Pravilnika o uslovima i načinu korištenja e-aukcije ("Službeni glasnik BiH" broj 80/23).

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je dostavljena ponuda prihvatljiva, kako slijedi:

R.br.	PONUĐAČ	Rangiranje ponuda prema kriteriju za izbor ponude bez PDV-a
	DRVOPROX D.O.O. SARAJEVO, ESADA MIDŽIĆA BR. 15, SARAJEVO	17.094,00

Članom 2. Odluke o izboru najpovoljnijeg ponuđača broj: 02-04-1323/25 od 22.05.2025. godine izabrani ponuđač se obavezuje da dokaze o kvalificiranosti, ne starije od 3 mjeseca računajući od momenta predaje dokumenata, dostavi u roku od 7 dana od dana prijema odluke, u protivnom će se postupiti u skladu sa članom 72. stav (3) tačka b) Zakona o javnim nabavkama. Uvidom u dostavnicu, dana 24.05.2025. godine ponuđač je zaprimio obavijest o rezultatima postupka i utvrđeno je da je istekao rok za dostavu propisane dokumentacije, te da do momenta sačinjavanja ove odluke, ista još uvijek nije dostavljena. S obzirom da nema više zaprimljenih prihvatljivih ponuda, ugovor se ne može dodjeliti drugorangiranom. Članom 68. stav (1) zakona, propisano je da ugovorni organ odbacuje zahtjev za učešće ili ponudu ako ponuđač nije dosavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova.

Dana 05.06.2025. godine, Komisija je dostavila zapisnik broj: 02-04-1323-1/25 od 05.06.2025. godine sa prijedlogom za poništenje postupka javne nabavke zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke, shodno članu 69. stav (3) Zakona o javnim nabavkama.

POUKA O PRAVNOM LIJEKU:

Protiv ove odluke može se izjaviti žalba u roku od pet dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Dostavljeno

1. Ponuđači
2. a/a